


善
510.87
12-1
2

2



63273

重刊孫真人備急千金要方卷之二

婦人方上

求孕第一

論六首

後法六首

方一十五

轉女為男

精業結



論曰夫婦人之別有方者以其胎妊生產崩傷之異故也
是以婦人之病比之男子十倍難療經言婦人者衆陰所
集常與濕居十四已上陰氣浮溢百相經心內傷五臟外
損姿顏月水去留前後交互痰血停凝中道斷絕其中傷
墮不可具論生熟一一藏虛實交錯惡血內滯氣脈損竭或
飲食無度損傷非一或瘡痍未愈便合陰陽或便利於懸
廁之上風從下入便成十一一痼疾所以婦人別方方也若
是四時節氣為病虛實冷熱為患者故與丈夫同也惟懷
胎妊而挾病者避其毒藥身其雜病與丈夫同則散在諸
卷中可得而知也然而女人嗜慾多於丈夫感病倍於男

子加以慈戀愛憎嫉妬憂患染著堅牢情不自抑所以爲
病根深療之難瘥故養生之家特須教子女學習此三卷
婦人方令其精曉即於倉卒之秋何憂畏也夫四德者女
子立身之樞機產育者婦人性命之長務若不通明於此
則何以免於夭枉者哉故傳母之徒亦不可不學常宜繕
寫一本懷挾隨身以防不虞也

論曰人之情性皆願賢已而疾不及人至於學問則隨情
逐物墮於事業詎肯專一推求至理莫不虛棄光陰沒齒
無益夫婚姻養育者人倫之本王化之基聖人設教備論
厥旨後生莫能精曉臨事之日惜爾若愚是則徒願賢已
而疾不及人之謬也斯實不達賢已之趣而妄徇虛譽以
終無用今具述求子之法以貽後嗣同志之士或可覽焉

論曰夫欲求子者當先知夫妻本命五行相生及與德合
并本命不在子休發死墓中者則求子必得若其本命五
行相剋及與刑殺衝破并在子休發死墓中者則求子了
不可得慎無措意縱或得者於後終亦累人若其相生并
遇福德者仍須依法如方避諸禁忌則所誕兒子盡善盡
美難以具陳禁忌法受胎時十日推上相貴宿日法在十七卷中
論曰凡人無子當為夫妻俱有五勞七傷虛羸白病所致
故有絕嗣之患夫治之之法男服七子散女服紫石門冬
圓及坐藥盪胞湯無不有子也

大奇方

治丈夫風虛目暗精氣衰少無子補不足方

- 五味子
- 鍾乳粉
- 杜荊子
- 菟絲子
- 車前子
- 茯苓子
- 石斛
- 乾地黄
- 薯蕷
- 杜仲

鹿茸

遠志各別

附子

蛇床子

弓窮各別

山茱萸

天雄

人參

茯苓

黃耆

牛膝各伍

桂心拾銖

茯苓拾壹

巴戟天

拾貳銖

右二十四味治下篩酒服方寸匕日二不知增至二匕

以知為度禁如藥法不能酒者蜜和圓服亦得一方加

覆盆子八銖求子法一依後房中篇

補腎丸 治婦人立身已來全不產及斷緒久不產三三

十年者方

朴消

牡丹

當歸

大黃

桃人生用

細辛

厚朴

桔梗

人參

赤芍藥

茯苓

桂心

甘草

牛膝

橘皮各別

附子

陸蘇各別

水蛭各別

右十八味以清酒五升水五升合煮取三升分四服日三夜一每服相去二時更服如常覆被取少汗汗不出冬日著火籠之必下積血及冷赤膿如赤小豆者本為婦人子宮內有此惡物使然或天陰臍下痛或日晡水不調為有冷血不受胎若酖酌下盡氣力弱大困不堪更服亦可一二三服即止如大悶不堪可食酢飯冷漿一口即止然恐去惡物不盡不大得藥力若能忍服盡大好一日後仍著導藥千金翼其不用桔梗甘草

治全不產及斷緒服前補消湯後著坐導藥方
皂莢 山茱萸千金翼作苦瓠 當歸各壹兩

細辛 五味子 乾薑各貳兩 大黃

礬石 戎鹽 蜀椒各半兩

右十味為末以絹袋盛大如指長二寸成罍藥令滿內婦人陰中坐卧任意勿行走急小便時去之更安新者一日一度必下青黃冷汁汁盡止即可幸御自有子若未見病出亦可至十日安之一本別有尊廉砒霜各半兩此藥為服補消湯熱去冷惡物出不盡以導藥下之值天陰冷不疼不須著導藥亦有著鹽為導藥者然不如此藥其服朴消湯後即安導藥經一日外服紫石門冬丸

紫石門冬丸 治全不產及斷緒方

紫石英 天門冬 各三兩

當歸 芍藥

紫葳 卷柏 桂心

烏頭 乾地黄

牡蒙 千金翼 作牡蒙 荆 禹餘糧

石斛 辛夷

人參

桑寄生

續斷

細辛

厚朴

乾薑

食棗

牡丹

牛膝

各三錢

柏子仁

薯蕷

烏賊骨

甘草

各二錢半

右二十六味為末蜜和丸如梧桐子大酒服下丸日三

漸增至三十九丸以腹中熱為度不可禁房室夫行不在下

可服禁如藥法比來服者不至盡劑即有娠



主令婦人有子方

白薇

細辛

防風

人參

秦椒

白斂
白芷
桂心

牛膝

麋茸

蕪荑

沙參

芍藥

五味子

白僵蠶

牡丹

蟾蜍

各一兩

乾漆

柏子仁

乾薑

卷柏

附子

芎藭

紫石英

各二兩半

鍾乳

乾地黄

白石真

各一斤兩

昇麻

水蛭

蘇合

各一斤兩

吳茱萸

招攝

麻布叩懷頭

壹尺燒

右三十一味為末蜜和丸如梧子大酒服十五丸日再

稍加至三十九丸當有所去小覺有異即停服

又方

治久無子或斷緒上熱下冷百病皆治之方

白薇

乾地黄

乾薑

車前子

蜀椒

各一斤兩

紫石英

藁本

石膏

菴蘭子

卷柏

各一斤兩

澤蘭

赤石脂

白龍骨

遠志

麥門冬

茯苓

太乙餘糧

各一斤兩

當歸

芍藥

蛇牀子

各一斤兩

白芷

覆盆子

桃仁

人參

各一斤兩

蒲黃

各一斤兩

細辛

橘皮

右二十八味為末蜜和丸如梧子大人酒服十五丸日再
漸增以知為度亦可至五十九丸慎猪雞生冷酢滑魚蒜
驢馬牛肉等覺有娠即停三二月下擇食時可食牛肝及
心至八月五月不須但不可故殺令子短壽遇得者大
良

金城太守**白薇圓**治月水不利閉塞絕產十八年服此藥
二十八月有子方

白薇

細辛

各拾人參

杜衡

用時

牡蒙

厚朴

生夏

白殭蠶

當歸

紫苑

各拾

牛膝

沙參

乾薑

秦光

蜀椒

附子

防風

兩半

右十七味為末蜜和丸如梧子大人先食服三丸下知稍

增云三四五丸此藥不可長服覺有娠即止用之大駭崔

有甚括梗用
參拾捌錄

論曰白者求子多用麋麋散承澤澤圓公代人絕不用此雖
未試驗其法可重故述之

承澤澤圓 治丈夫陽氣不足不能施化施化無成方

覆盆子 五味子各壹升 菟絲子續天雄 各壹兩

石斛 白朮各叁兩 桑寄生肆兩 天門冬玖兩 紫石英貳兩

右九味治下篩酒服方寸匕先食服日二素不兩冷者
去寄生加細辛四兩陽氣不少而無子者去石斛加攢
榔十五枚

承澤澤圓 治婦人下焦二十六疾不孕絕產方

梅核人 辛夷各壹升 葛上走長桑

渡疏 參兩

藁本 壹兩

澤蘭子 伍合

治六味為末蜜和丸如大豆先食服二九日三不知積增若腹中無堅癖積聚者去耳長加通草一兩惡甘者和藥先以苦酒搜散乃內少蜜和為丸

大黃圓 治帶下百病無子服藥十日下血二十日下長蟲

及青黃汁三十日病除五十日肥白方

大黃 破如米一豆

柴胡

朴消

乾薑 伍兩

芍藥 伍兩

蜀椒 貳兩

茯苓

如雞子大壹枚

右七味為末蜜和丸如梧桐子大先食服七丸米飲下加至十丸以知為度五百日微下

天麻圓 治女人積年不孕方

天麻

柳絮

牡丹

茯苓

乾地黃

桂心兩 酪壹 五味子 桃花 白朮 芍藥兩

覆盆子壹 桃人壹 黃絲子 褚實子各壹升

右十四味為末蜜和丸如豆大每服空心飲苦酒下

丸日中一服晚一服

消石大圓 治十二瘕癖及婦人帶下絕產無子并服寒

食藥而腹中有癖者當先服大丸下之乃服寒食藥大丸

不下水穀但下病耳不至令人虛極方見第十一卷中

秦椒圓 治婦人絕產生來未產滯滌腑臟使玉門受子以精

秦椒 天雄各拾 玄參 人參 白欬

鼠婦 白芷 黃耆 桔梗 露蜂房

白殭蠶 桃人 蟬膾 白朮 細辛

蕪荑兩 牡蒙 沙參 防風 甘草

牡丹皮 牛膝 菴朮 三味子 芍藥

桂心 大黃 石斛 仁木各壹拾錢 拍子人

茯苓 當歸 乾薑各壹兩 淫蘭 乾地黃

芎藭各壹兩拾捌錢 乾椽 白石英 紫石英

附子各貳兩 鍾乳貳兩 水蛭各拾枚 麻布叩復頭各拾枚

蠱蟲白枚

右四十一內味為末蜜丸如梧子酒服十九日再稍加至二十九丸若有所去如豆汁鼻涕此是病出覺有異即停

灸法

婦人絕子灸然谷五十壯在內踝前直下一寸婦人絕嗣不生胞門閉塞灸關元二十壯報之

婦人姪子不成若墮落腹痛滿見赤灸胞門五十壯在關

元左邊二寸是也右邊二寸名子戶

婦人絕嗣不生灸氣門穴在關元傍三寸各百壯

婦人子藏閉塞不受精液灸胞門五十壯

婦人絕嗣不生漏赤白灸泉門一壯二報穴在橫骨當陰

上際

論曰陰陽調和二氣相感陽施陰化是以有娠而三陰所
會則多生女但姪娠一月名曰始膏精氣成於胞裏至於
三月名曰始胎血脈不流象形而變未有定儀見物而化
是時男女未分故未滿三月者可服藥方術轉之令生男
也

丹參圓治婦人始覺有娠養胎并轉女為男方

丹參

續斷

丙藥

白膠

白朮

拍身入

甘草

黃人參

芸窮

乾薑各拾銖

吳茱萸

橘皮

當歸

各壹兩拾捌銖

白芷

冠纓

燒灰各壹兩

乾地黄

壹兩半

蕪荑

拾捌銖

犬卵

壹員乾

東門上雄雞頭

壹枚

右十九味為末蜜和丸如梧子大酒服十九丸日再稍加

至二十丸

又方取原蠶屎

一作矢

一枚并花水服之日三

又方

取弓弩弦一枚絳囊盛帶婦人左臂一法以繫腰下

滿百日去之

又方

取雄黃一兩絳囊盛帶之要女者帶雌黃

又方

以斧一柄於產婦卧床下置是仍繫刃向下勿令人

知如不信者待雞抱卵時依此置於窠下窠見子

盡爲雄也

妊娠惡阻第一

論首

方四首

法一以目

論曰何以知婦人妊娠脈平而虛者乳子法也經云陰搏陽別謂之有子此是血氣和調陽施陰化也診其手少陰脈動甚者妊子也少陰心脈也心主血脈又腎名胞門子戶尺中腎脈也尺中之脈按之不絕法妊娠也三部脈沈浮正等按之無絕者有娠也

妊娠初時寸微小呼吸五至二三日而尺數也

妊娠四月欲知男女者左疾爲男右疾爲女左右俱疾爲產三子又法左手沈實爲男右手浮大爲女左右手俱沈實猥生一男俱浮大猥生一女尺脈共左偏大爲男右偏大爲女左右俱大產一子大者如實狀又法左手尺中

大者男右手尺中沈細者女若來而斷絕者月水不利又
法左右尺俱浮爲產一男不然女作男生俱沈爲產一女
不爾男作女生又法得太陰脈爲男得太陽脈爲女太陰
脈沈太陽脈浮又遣妊娠人面南行還復呼之左迴首者
是男右迴首者是女又看上圍時夫從後急呼之左迴首
是男右迴首是女又婦人妊娠其夫左乳房有核是男右
乳房有核是女

妊娠欲知將產者懷妊離經其脈浮設腹痛引腰脊爲今
出也但離經者不病也又法欲生其脈離經夜半覺痛日
中則生也

論曰凡婦人虛羸血氣不足腎氣又弱或當風飲冷太過
心下有淡水者欲有胎而喜病阻所謂欲有胎者其人月

水尚來顏色肌膚如常但苦沈重憤悶不欲食飲又不知其患所在脈理順時平和則是欲有娠也如此經二月日後便覺不通則結胎也阻病者患心中憤懣頭重眼眩四肢沈重懈惰不欲執作惡聞食氣欲噉鹹酸果實多卧少起世謂惡食其至三四月日已上皆大劇吐逆不能自勝舉也此由經血既閉水瀆於藏藏氣不宣通故心煩憤悶氣逆而嘔吐也血脈不通經絡不立凝則四肢沈重袂風則頭目眩也覺如此候者便宜服半夏茯苓湯數劑後若茯苓丸淡水消除便欲食也既得食力體強氣盛力足養胎母便健矣古今治阻病方有十數首不問虛實冷熱長少殆死者活於此方半夏茯苓湯

治妊娠阻病心中憤悶空煩吐逆惡聞食氣頭重四肢

百節疼煩沈重多卧少起惡寒汗出疲極黃瘦方

半夏

生薑

各二

乾地黃

茯苓

各拾

橘皮

旋復花

細辛

人參

芍藥

芎藭

桔梗

甘草

各拾

右十二味以水二斗煮取三升分三服若病阻積

月日不得治及服藥冷熱失候病變客熱煩渴口生瘡

者去橘皮細辛加前胡知母各十二銖若變冷下痢者

去乾地黃入桂心十二銖若食少胃中虛生熱大便閉

塞小便赤少者宜加大黃十八銖去地黃加蒟蒻今十二銖

餘依方服一劑得下後消息看氣力冷熱增損方調定

更服一劑湯便急服茯苓令丸令能食便強健也忌生冷

醋滑油膩菘菜海藻

茯苓湯 治妊娠阻病患心中煩悶頭眩重憎聞飲食氣便嘔逆吐悶顛倒四肢垂弱不自勝持服之即效要先服半夏茯苓湯兩劑後可服此方

茯苓 人參 桂心熬 乾薑 半夏

橘皮各壹兩 白朮 葛根 甘草 枳實各貳兩

右十味為末蜜和為丸如梧子飲服二十九漸加至三

十九日三劑後不用乾薑半夏橘皮白朮葛根只五味又云妊娠忌桂故熬

治妊娠惡阻嘔吐不下食方

青竹茹 橘皮各拾銖 茯苓 生薑各壹兩 半夏參伍銖

右五味以水六升煮取二升半分三服不瘥頻作

橘皮湯 治妊娠嘔吐不下食方

橘皮 竹茹 人參

白木 各拾捌銖 生薑 壹兩

厚朴 拾貳銖

右六味 以水七升 煮取二升 半分三服 不瘥重作

養胎第一 論一首

禁忌一首

方三十三首

逐月養胎二十一首

論曰舊說凡受胎三月逐物變化稟質未定故妊娠三月
欲得觀羣象猛獸珠玉寶物欲得見賢人君子盛德大師
觀禮樂鍾鼓俎豆軍旅陳設焚燒名香口誦詩書古今箴
誠居處簡靜割不正不食席不正不坐彈琴瑟調心神和
情性節嗜慾庶事清淨生子皆良長壽忠孝仁義聰慧愈
疾斯蓋文王胎教者也

論曰兒在胎日月未滿陰陽未備腑臟骨節皆未成足故
自初訖于將產飲食居處皆有禁忌

妊娠食羊肝令子多厄食山羊肉令子多病

妊娠食驢馬肉 鈴肝食驃肉 產難

妊娠食兔肉 犬肉 令子無音聲 并缺脣

妊娠食雞子 及乾鯉魚 令子多瘡

妊娠食雞肉 糯米 令子多寸白蟲

妊娠食棋 并鴨子 令子倒出心寒

妊娠食雀肉 并豆醬 令子滿面多野黥黑子

妊娠食雀肉 飲酒 令子心淫情亂 不畏羞恥

妊娠食鱉 令子項短

妊娠食冰漿 絕胎

妊娠勿向非常地 大小便必半 產殺人

徐之才逐月養胎方

妊娠一月名始胎 飲食精熟 酸美 受御宜食大麥 毋食

補胎湯 若曾傷一月胎者當預服此方

細辛 壹兩

防風 貳兩

乾地黄

白朮 各叁兩

生薑 肆兩

吳茱萸

大麥 各伍合 烏梅 壹升

右八味以水七升煮取二升半分三服先食服寒

多者倍細辛茱萸多渴者去之加括樓根二兩若有

所思去大麥加柏子人三合一方有人參一兩

妊娠一月名始膏無食辛臊若必靜處男子勿勞百節皆

痛是為胎始結

妊娠一月之少陽脉養六寸可針灸其經足少陽內屬於膽

主精一月之時兒精成於胞裏當慎護驚動也

妊娠一月始陰陽路經有寒多壞不成有熱即毒懷中

然有所動搖心滿臍下懸急腰背強痛卒有所下尔寒乍
熱宜服**艾葉湯**方

艾葉

人參

當歸

麻黃

各二兩 人參

阿膠

各二兩

甘草

四分

生薑

陸兩

大棗

拾五枚

右九味以酒三升水一斗煮減半去滓內膠煎取

三升分三服一方用烏雌雞一隻宿肥者治如食法割

頭取血內三升酒中相和次以水一斗二升先煮取汁

去雞內藥煎取三升內血酒并膠煎取三升分溫三服

連湯若曾傷一月胎者當預服此方

黃連

人參

吳茱萸

各二兩 伍合

生薑

各二兩

生地黃

伍兩

一方用阿膠

右五味以酢漿七升煮取二升分四服日三夜一

十日一修合若頗覺不安加烏梅一升加烏梅者不用漿直用水耳一方用當歸半兩

姙娠三月名始胎當此之時未有定儀見物而化欲生男者操弓矢欲生女者弄珠璣欲子美好數視璧玉欲子賢良端坐清虛是謂外象而內感者也

姙娠三月手心主脈養不可針灸其經手心主內屬於心無悲哀思慮驚動

姙娠二月為定形有寒大便青有熱小便難不赤即黃卒卒有所下雄雞湯方

雄雞青雉如食法黃芩

白朮

生薑各

麥門冬伍合芍藥肆兩

大棗拾兩

甘草

人參

茯苓

阿膠各貳兩

右十一味咬咀以水一斗三升煮雞減半出雞內藥煮取半內清酒三升并膠煎取三升分三服一日令盡當溫卧一方用當歸芍各二兩不用黃芩生薑

伏神湯若曾傷二月胎者當預服此方

茯苓

丹參

龍骨各壹兩

阿膠

當歸

甘草

人參各貳兩

大棗貳拾枚

赤小豆貳拾壹粒

右九味咬咀以酢漿一斗煮取二升分四服先食服七

日後服一劑腰痛者加桑寄生二兩深師有雞白

妊娠四月始受水精以成血脈食宜稻粳羹宜魚鴈是謂

盛血氣以通耳目而行經絡

妊娠四月手少陽脈養不可針灸其經手少陽內輸二焦

四月之時兒六腑順成當靜形體和心志節飲食
姪娠四月有寒心下温温欲嘔胃膈滿不欲食有熱小便
難數數如淋狀臍下苦急卒風寒頸項強痛寒熱或驚動
身軀腰背腹痛往來有時胎上迫胃心煩不得安寐子有所

下
菊池湯方

菊花雞子大膏投麥門冬壹升大棗拾貳人參壹兩甘草

當歸各貳兩麻黃 阿膠各叁兩半夏肆兩生薑伍兩

右十味以水八升煮減半內清酒二升并阿膠
取三升分三服温卧當汗以粉粉之護風寒四五日
方用烏雌雞一隻煮水煎藥

調中湯若曾傷四月胎者當預服此方

白芍藥 生薑各肆兩厚朴 生漆壹斤白皮

報實

白朮

柴胡

各二兩

續斷

芎藭

甘草

各二兩

當歸

各二兩半

烏梅

壹升

右十二味以水一斗煮取三升分四服日三夜一

八日後復服一劑

妊娠五月始受火精以成其氣胎必晏起沐浴衣深其
居處厚其衣服朝吸天光以避寒殃其食稻麥其羹牛羊
和以菜苳調以五味是謂養氣以定五臟

妊娠五月足太陰脉養不可針灸其經足太陰內輸於脾
五月之時兒四肢皆成無大飢無甚飽無食乾燥無自多
熱無大勞倦

妊娠五月有執苦頭眩心亂嘔吐有寒苦腹滿痛小便數
卒有恐怖四肢疼痛寒熱胎動無常處腹痛悶頓欲仆卒

有所下 **阿膠湯** 主之之方

阿膠 肆兩 人參 壹兩 生薑 陸兩 當歸 壹兩 芍藥 壹兩

甘草 壹兩 黃芩 貳兩 旋復花 壹兩 吳茱萸 壹兩 麥門冬 壹兩

右十味 哎咀 以水九升 煮藥減半 內清酒二升 并膠微火煎取三升 半分四服 日三夜一 先食服 便愈 不瘥再服 一方用烏雌雞一隻 割取咽血 內酒中 以水煮雞 以煎藥減半 內酒 并膠煎取三升 半分四服

安中湯 曾傷五月胎者 當預服此方

黃芩 壹兩 當歸 壹兩 芍藥 壹兩 乾地黃 壹兩

人參 各貳兩 甘草 壹兩 芍藥 各貳兩 生薑 陸兩

麥門冬 壹升 五味子 壹升 大麻人 各伍升 大棗 各伍升

右十二味 哎咀 以水七升 清酒五升 煮取三升 半分四服

服日三夜一七日復服一劑

妊娠六月始受金精以成其筋身欲微勞無得靜處出遊
於野數觀走犬及視走馬食宜鷲鳥猛獸之肉是謂變腠
理紉筋以養其力以堅其骨

妊娠六月足陽明脉養不可針灸其經足陽明內屬於胃
主其口目六月之時兒口目皆成調五味食甘美無大飽
妊娠六月卒有所動不安寒熱往來腹內脹滿身體腫驚
怖忽有所下腹痛如欲產手足煩疼宜服此方

麥門冬壹升人參

甘草

黃芩各貳兩

乾地黄叁兩

阿膠肆兩

生薑陸兩

大棗若伍枚

右八味以水七升煮減半內清酒一升并膠煎取三升
分二服中間進糜粥一方用烏雌雞一隻煮水以前煎藥

采芎湯 若曾傷六月胎者當預服此方

柴胡 肆兩 茯苓 壹兩 白朮 壹兩 芍藥 壹兩 甘草 壹兩

麥門冬 陸兩 芎藭 陸兩 生薑 陸兩 乾地黄 伍兩 大棗 叁拾枚

右十味 㕮咀 以水一斗 煮取三升 分四服 日三夜一中

間進糜粥 勿食生冷及堅硬之物 七日更服一劑

妊娠七月始受不精以成其骨 勞身搖肢 無使定止 動作

屈伸以運血氣 居處必燥 飲食避寒 常食稻粳 以密膜

是謂養骨而堅齒

妊娠七月手太陰脈養不可針灸其經 手太陰內屬於肺

主皮毛 七月之時兒皮毛已成 無大言無號哭 無薄衣

洗浴無寒飲

妊娠七月勿恐驚恐 搖動腹 痛並有所下手足厥冷 脈若

其類也。腹滿短氣常苦頸項及腰背強。此湯主之。之方。

葱白長三四寸拾肆莖

半夏

麥門冬升壹

旋復花貳合

黃芩

壹兩

人參

壹兩半

甘草

當歸

黃耆

各叁兩

阿膠

肆兩

生薑

捌兩

右十一味以水八升煮減半內清酒二升及膠煎取四升每服一升日三夜一溫臥當汗出若不出者加麻黃二兩煮服如前法若秋後勿強責汗一方以黃雌雞一隻割咽取血內酒中煮雞取汗以前煎藥

本方湯

若曾傷七月胎者當預服此方

杏仁

甘草貳兩

紫苑

壹兩

鍾乳

乾薑貳兩

麥門冬

吳茱萸

粳米

伍合

五味子

叁合

右九味以水八升煮取三升半分四服日三夜一

中間進食七日服一劑一方用白雞一隻煮汁煎藥
姪娠八月始受土精以成膚革和心靜息無使氣極是謂
密腠理而光澤顏色

姪娠八月手陽明脉養不可針灸其經手陽明內鬲灸大
腸主九竅八月之時兒九竅皆成無食燥物無嘔失食無
忍大起

姪娠八月中風寒有所犯觸身體盡痛下寒乍熱胎動不
安常苦頭眩痛繞臍下寒時時小便白如米汁或青或黃
或使寒慄腰背苦冷而痛目流流黃主之之方

芍藥

生薑各肆兩

厚朴貳兩

甘草

當歸

白朮

人參各叁兩

薤白

切壹升

右八味以水五升漬酒四升合煮取二升分二服

日并夜一一方用烏雌雞煮汁以前煎藥

大黃湯 若胃傷八月胎者當預服此方

葵子 貳升

甘草

厚朴

各貳兩

白朮

柴胡 各叁兩

芍藥 肆兩

生薑

陸兩

大棗

貳拾枚

右八味咬咀以水九升煮取二升分三服日三凡十日

一劑一方用烏雌雞一隻煮水以前藥

妊娠九月始受石精以成皮毛六腑百節莫不畢備欲體
食甘緩帶自持而待之是謂養毛髮致才力

妊娠九月足少陰脉養不可針灸其經足少陰內屬於腎

腎主續縷九月之時兒脉續縷皆已成無處濕冷無著炙衣

妊娠九月若卒得下痢腹滿懸急胎上衝心腰背痛不可

轉側短氣 **坐身湯** 方

半夏

麥門冬

吳茱萸

當歸

阿膠 各參二兩

乾薑 壹兩

大棗 拾貳枚

右七味 㕮咀 以水九升 煮取三升 去滓 內白蜜八合 微火上 溫服 四服 痢即止 一方用烏雌雞一隻 煮汁 煎藥

續命湯

若冒傷九月胎者 當預服此方

猪腎 壹具 茯苓

桑寄生

乾薑

乾地黄

芎藭 兩

白朮 肆兩

附子 中者

一枚

大豆 叁合

麥門冬 升

右十味 㕮咀 以水一斗 煮腎令熟 去腎內諸藥 煎取三升 半分 四服 日三夜一 凡十日 更一劑

妊娠十月 五臟俱備 六腑齊通 納天地氣於丹田 故使

節入神 皆備 但俟時而生

妊娠一月 始胚 二月 始膏 三月 始胞 四月 形體成 五月 能

動六月筋骨立七月毛髮生八月臟腑具九月穀氣入胃
十月諸神備日滿即產矣宜服滑胎藥入月即服

丹參膏養胎臨月服今滑而易產方

丹參 半斤 芎藭 各二兩 當歸 各二兩 蜀椒 伍分 白胡椒 者自代

右四味咬咀以清酒漫濕停一宿以成煎猪膏四升微
火煎膏色赤如血膏成新布絞去滓每日取如棗許內
酒中服之不可逆服至臨月乃可服舊用常驗

宜散今易生母無疾病未生一月日預服過二十日行

步動作如故兒生墮地皆不自覺方

甘草 壹兩 黃芩 一兩 乾薑 一兩 吳茱萸 一兩 大豆黃卷 一兩

麻子人 桂心 大麥蘖 各壹兩 一方用糲米

右八味治下篩酒服方寸匕日二暖水服亦得

千金圓 王養胎治產難顛倒胞不出服一九傷毀不下產
餘病汗不出煩滿不止氣逆滿以酒服一九一名保生丸

甘草

貝母

秦椒

大豆黃卷

乾薑

桂心

黃芩

粳米

一作糯米

石斛

石膏

各陸銖

當歸

拾貳銖

麻子

參三合

右十二味為末蜜和丸如彈子大每服一九日三用棗湯下一方用蒲黃一兩

葵大黃圓 治妊娠養胎令易產方

大黃

參三拾銖

枳實

芎藭

白朮

杏仁

各拾

芍藥

乾薑

厚朴

各拾

吳茱萸

壹兩

右九味為末蜜丸如梧桐子大空腹酒下一丸日三不

知稍加之

滑胎金易產方

阿膠 剉兩

滑石 參兩

車前子 壹升

右三味治下篩飲服方寸匕日再至生月乃服藥利九
數不可完服

妊娠諸病第四 此篇有十章 方八寸九首

第一胎動及數墮胎

方六首 灸法一首

治妊娠二三月上至八九月胎動不安腰痛已有所見方

艾葉

阿膠

芎藭 附後用 當歸 各二 甘草 貳兩

右五味以水八升煮取三升去滓內膠令消分三服

治妊娠胎動去血腰腹痛方

阿膠 貳兩

芎藭

當歸

青竹茹 各伍

右四味以水一斗半煮銀二斤取六升去銀內藥煎取

一升半內膠令烱分三服不瘥重作一方用甘草二兩

葱白湯治姙娠胎動不安腹痛方

葱白物壹阿膠貳兩當歸續斷芎藭各叁兩

右五味以水一斗先煮銀六兩取七升去銀內

藥煎取二升半下膠令烱分三服不瘥重作

治姙娠胎動晝夜叫呼口噤脣拳及下重痢不息方

艾葉以好酒五升煮取四升去滓更煎取一升

服口閉者格口灌之藥下即瘥亦治姙娠腰痛及姙

娠熱病并姙娠卒下血

旋復花湯治姙娠六七月胎不安常服之方

旋復花壹兩半夏芍藥生薑貳兩枳實

厚朴白朮黃芩茯苓各叁兩

右九味以咀以水一斗煮取二升半分五服日三夜三

先食服

治妊娠數墮胎方

取赤小豆為末酒服方寸匕日一亦治妊娠數月月水尚來者

又方 妊娠三月灸膝下一寸七壯

第一 漏胞方四首

治妊娠下血如故名曰漏胞胞乾便死方

生地黃半斤以咀以清酒二升煮二沸絞去滓服之

無時能多服佳姚大夫加黃雌雞一頭治如食法崔氏取雞血和藥中服

治妊娠血下不止名曰漏胞血盡子死方

乾地黄搗末以二指撮許酒服不過二服差

又方 生地黄汁一升清酒四合煮三四沸頓服不止頻服

又方 乾薑 貳兩 乾地黄 肆兩

右二味治下篩以酒服方寸匕日再二服

又方 干煩方三首

又方 治姙娠常苦煩悶此是子煩

竹瀝 壹升 麥門冬 防風 黃芩 略參 茯苓 肆兩

右五味以水四升合竹瀝煮取一升分二服不瘥再作

又方 時時服竹瀝隨多少取瘥止

第四 心腹腰痛及脹滿方二十首

治姙娠心痛方

青竹皮一升以酒二升煮二兩沸頓服之

又方 破生雞子一枚酒和服之

又方 白蜜 參二兩

羊脂 搗兩

青竹茹 壹升

右三味合煎食頃服如棗核大二枚日三

又方 蜜一升和并底泥泥心下

又方 燒棗二十七枚為末漿服之立愈

治妊娠腹中痛方

生地黄三斤搗絞取汁用清酒一升合煎減半頓服

又方 燒車釭脂內酒中服亦治妊娠欬嗽并產難三日不

出

又方 取蜜一升頓服良

并娠腹中滿痛又心不得飲食方

黃芩 參二兩

芍藥 肆兩

白朮 陸兩

右三味咬咀以水六升煮取三升分三服半日令藥盡

微下水令易生月飲一劑為善

治姙娠忽苦心腹痛方

燒鹽令赤熱三指撮許酒服之立產

治姙娠傷胎結血心腹痛方

取小兒尿二升頓服之立瘥大良

治姙娠中惡心腹痛方

新生雞子一枚破著杯中以糲米粉和如粥頓服亦

治姙娠卒胎動不安或但腰痛或胎轉捨心或下血

不止

又方水三升洗夫靴剔汁溫服

治姙娠中蠱心腹痛方

燒敗鼓皮酒服方寸匕須臾自呼蠱主姓名

治姙娠腰痛方

大豆二升以酒二升煮取一升頓服之亦治常入卒腰痛者

又方麻子二升以水五升煮取汁二升分五服亦治心痛

又方豉貳兩 榆白皮叁兩

右二味孰搗蜜丸如梧桐子大服二七丸亦治心痛

又方燒牛朶焦末水服方寸匕日三服

又方地黃汁八合酒五合只煎分温服

治姙娠脹滿方

取秤錘燒之碎酒中服良亦治姙娠卒下血

第五卷傷寒方一十六首

治姙娠傷寒頭痛壯熱肢節煩疼方

石膏 捌兩

大青

黃芩 各叁兩

葱白 切壹斤

前胡

知母

梔子 人各肆兩

右七味以水七升煮取二升半去滓分五服相去如人行七八里久再服

治妊娠頭痛壯熱心煩嘔吐不下食方

知母 肆兩

粳米 伍合

生薑根 壹升 青竹茹 叁兩

右四味以水五升煮取二升半稍稍飲之盡更作瘥止

治妊娠傷寒服湯後頭痛壯熱不歇宜用此湯拭其身

麻黃 半斤

竹葉 切壹升

石膏 叁升為末

右三味以水五升煮取一升去滓冷用拭身體又以故

布搨頭額脅心燥則易之患瘧者加怕山五兩

治妊娠傷寒方

葱白拾莖

生薑貳兩

右二味以水三升煮取一升半頓服取汗

治姙娠中風寒熱腹中絞痛不可針灸方

鯽魚一頭燒作衣擣末酒服方寸匕取汗

治姙娠遭時疾令子不落方

取竈中黃土水和塗臍乾復塗之一方酒和塗之方五

寸又泔清和塗之亦佳

又方大尿泥塗腹勿令乾

治姙娠熱病方

葱白伍兩

豆豉壹升

右二味以水六升煮取二升分二服取汗

又方葱白一把以水二升煮令熟服之取汗食葱令盡亦

平安胎若胎已死者須臾即出

又方 車轄脂酒服大良 又方 井底泥泥心下三寸立愈

又方 青羊屎塗腹上 又方 水服伏龍肝 雞子大

治大熱煩悶者方

葛根汁一升分三服如人行五里又進一服

又方 燒大棗七枚為末酒和服

又方 槐實燒灰取方寸匕酒和服

第六 瘧病方一首

治姙娠患瘧湯方

恒山 貳兩 甘草 青蒿 黃芩 參 烏梅 拾肆 石膏 捌兩

右五味以酒水各一升半合漬藥一宿煮三四沸

去滓初服六合次服四合後服一合凡三服

又方 涌山

竹葉 各三兩

石膏 搗兩

粳米

齊作竹葉崔氏外臺作糯米集驗效急作粳米

右四味以水六升煮取一升半去滓分三服第一服取未發前一食頃服之第二服取臨發服之餘一服用以塗頭額及胸前五心藥滓置頭邊常一日勿近水及進飲食過發後乃進粥食

第七下血方十一首

治妊娠忽暴下血數升胎燥不動方

榆白皮 各三兩

當歸

生薑 各三兩

乾地黄 肆兩

葵子 膏并肘後不用

右五味以水五升煮取一升半分三服不愈更作服之

馬通湯

治妊娠卒驚奔走或從高墮下暴出血數升方

馬通汁升 乾地黄

阿膠駝膠 當歸

艾葉各參

右五味以水五升煮取一升半去滓以馬通汁及

膠合烱分三服不瘥重作

膠艾湯 治妊娠二三月上至七八月其人顛仆失踞胎動

不下傷損腰腹痛欲死若有所見及胎奔上搶心短氣方

艾葉各參

阿膠

芍藥

芍藥

甘草

當歸各參

乾地黄各參

右七味以水五升好酒二升合煮取三升去滓內

膠更上火令盡消分三服日三不瘥重作

治妊娠卒下血方

葵子一升以水五升煮取一升分三服瘥止

生地黄切一升以酒五升煮取二升分三服亦治落

身後血

又方取葵根莖燒作灰以酒服方寸匕日三

蟹爪湯治妊娠僵仆失據胎動轉上捨心甚者血從口出逆不得息或注下血一斗五升胎不出子死則寒尉入腹中急加產狀虛乏少氣困頓欲死煩悶反覆服藥母得即安下血亦止其當產者立生方

蟹爪

甘草

桂心 各一兩 阿膠 貳兩

右四味以東流水一斗煮取三升去滓內膠烱盡能為一服佳不能者食頃再服若口急不能飲者格口灌之藥下便活也與母俱生若胎已死獨母活也若不僵仆平安妊娠無有所見下血服此湯即止或云桂不妄胎亦未必爾

治姙娠胎墮下血不止方

丹參十一兩以清酒五升煮取二升分三服温

日三

又方地黃汁和代赭為末服方寸匕

又方桑蠶蟲屎燒灰酒服方寸匕

香散湯治半產血不盡苦來去煩滿欲死方

香豉一升半以水二升煮二沸漉去滓為末鹿角

一方寸匕頓服之須臾血自下鹿角燒亦得

第八小便病方十五首 灸法一首

治姙娠小便不利方

葵子 壹升 榆白皮 壹把切

右二味以水五升煮五沸每服一升日三

葵子

茯苓 各壹兩

右二味為末以水服方寸匕日三小便利則止仲景云

水氣身重小便不利
酒漸惡寒起即頭眩

治姙娠患子淋方

葵子一升以水二升煮取一升分再服

又方葵根一把以水二升煮取一升分再服

治姙娠小便不通利方

燕菁子七合為末水和服方寸匕日三

治姙娠尿血方

黍穰燒灰酒服方寸匕日三

治婦人熱故尿血方

龍骨五兩治下篩酒服方寸匕空腹服日二又者二

十服愈

又方 瓜甲

亂髮

右二味並燒末等分酒服方寸匕日二飲服亦得

又方 桂心

鹿角屑

大豆黃卷 各壹兩

右二味治下篩酒服方寸匕日三

又方 取夫瓜甲燒作灰酒服之

又方 取故舡上竹茹曝乾搗末酒服方寸匕日三亦主遺

尿

治婦人遺尿不知出時方

白薇

芍藥 各壹兩

右二味治下篩酒服方寸匕日三

又方 礬石

牡蠣 各壹兩

右一味治下篩酒服方寸匕亦治丈夫

胡鷲葉中草燒末酒服半錢匕亦治丈夫

燒遺尿人薦草灰服之瘥

灸橫骨當陰門七壯

第九下痢方八首灸法一首

治姪娘下痢方

人參

藟本

酸石榴皮

各參三兩

檉皮

粳米

右五味以水七升煮取二升半分三服

白楊皮一斤以水一大升煮取一小升分三服

燒中衣帶二寸為末服之

羊脂如碁子大十枚溫酒一升投中頓服之日二

治妊娠患膿血赤滯魚腦白滯臍腹絞痛不可忍者方

薤白 切壹升

酸石榴皮

黃蘗 各叁兩產實作黃連

阿膠 貳兩

地榆 肆兩

右五味咬咀以水七升煮取二升半分二服不產更作

治妊娠注下不止方

阿膠

艾葉

酸石榴皮 各貳兩

右三味以水七升煮取一升去滓內膠令烊分二服

治妊娠及產已寒熱下痢方

黃連 壹升

黃蘗 壹斤

梔子 叁拾枚

右二味咬咀以水五升漬一宿煮三沸服一升一日一

夜令盡嘔者加橘皮一两生薑一两亦治丈夫常刺

治婦人欲刺輒先心痛腹脹滿日夜五六行方

石榴皮 麴各捌兩 黃蘗一作烏梅 黃連

艾各壹兩 防己貳兩 阿膠 乾薑各叁兩 附子伍兩

右十味為末蜜和丸如梧子大飲服二十九日三漸加

至三十四十九

治婦人水洩痢方

灸氣海百壯二報

第十水腫方五首

治姙娠體腫有水氣心腹急滿湯方

茯苓 白木各四兩 黃芩

杏仁各叁兩 旋復花貳兩

右五味以水六升煮取一升半分三服

魚湯治姙娠腹大胎間有水氣方

鯉魚壹頭

白朮

生薑各伍兩

芍藥

當歸各叁兩

茯苓肆兩

右六味以水一斗一升先煮而熟澄清取八升內藥煎取三升分五服

治妊娠毒腫方

蕪菁根淨洗去皮搗酢和如薄泥勿令有汁猛火煮一二沸適性薄腫以帛急裹之日再易寒時溫覆非根時用子若腫在咽中取汁含咽之

又方燒獐牛屎酢和傳之乾則易亦可服方寸匕日三

治妊娠手脚皆腫攣急方

赤小豆伍升

商陸根壹斤切

右二味以水二斗煮取一斗稍稍飲之盡更作方加

澤擦一斤

產難第五

論一首八條

方二十一首

論曰產婦雖是穢惡然將痛之時及未產已產並不得令
死喪污穢家人來視之則生難若已產者則傷兒也

婦人產乳忌反支月若值此月當在牛皮上若火上勿令
水血惡物著物則殺及及沆濯衣水皆以器盛過此忌月
乃止

凡生產不依產圖脫有犯觸於後母子皆死若不至死即
母子俱病庶事皆不稱心若能依圖無所犯觸母即無病
子亦易養

凡欲產時特忌多人瞻視惟得三二人在傍待總產訖乃
可告語諸人也若人衆看視無不難產

凡產婦第一不得匆忽忙怕傍人極須穩審皆不得預緩
預急及憂悒憂悒則難產若腹痛眼中火生此兒廻轉未
即生也 兒出訖一切人及母皆忌問是男是女兒始落
地與新汲井水五咽忌與暖湯物勿令母看視穢汚
凡產婦慎食熱藥熱麪食常識此飲食當如人肌溫溫也
凡欲臨產時必先脫尋常所著衣以籠籠頭及竈口令至
密即易產也

凡產難及子死腹中并逆生與胞胎不出諸篇方可通檢
用之

治產難或半生或胎不下或子死腹中或著脊脊及坐骨數
日不產血氣上搶心母面無顏色氣欲絕者方

淳酒貳升

白蜜

成煎猪膏各壹升

右三味各屑取二升分再服不能再服可隨所能服之
治產後惡血不除上捨心痛煩急者以地黃汁代醇酒
治難產方

槐枝切貳升

榆白皮切

大麻人各壹升

瞿麥

通草各叁兩

牛膝伍兩

右六味咬咀以水一斗二升煮取二升半分五服

又方吞皂莢子一枚

又方取廁前已用草二十七枚燒作膏水調服之

又方令夫唾婦口中二十七過立出

又方針兩肩并入一寸寫之須臾即分免

治產難三日不出方

取鼠頭燒作屑并花水服方寸匕日三

又方車軸脂吞大豆許兩丸

又方燒藥杵令赤內酒中飲之

又方燒大刀鏢以酒一杯沃之頓服即出救死不分免者

治產難累日氣力乏盡不能得生此是宿有病者方

阿膠貳兩 赤小豆貳升

右二味以水九升煮豆令熟去滓內膠令烊每服五合

不覺更服不過三服即出

又方槐子苦肆枚 蒲黃壹合

右二味合內酒中溫服須臾不生再服之水服亦得

又方生薑汁 生地黃汁各半升

右二味合煎熟頓服之

治產難及日月來足而欲產者方

神母一兩為末蜜丸如兔屎大每服一丸痛不止
一丸

治產後心悶是血氣上衝心所致

羚羊角一枚燒作灰下篩以東流水服方寸匕若未
瘥須臾再服取悶瘥乃止

又方殺羊角燒作灰以溫酒服方寸匕不瘥須臾再進

力以治
產難

治產乳運絕方

半夏一兩擣篩丸如大豆內鼻孔中即愈此是扁鵲法

又方神麴末水服方寸匕亦治產難

又方赤小豆擣為散取東流水服方寸匕不瘥更服

又方含醞醋澀面即愈凡悶即澀之

艾方取釀醋和產血如棗許大服之

治心悶方

產後心悶眼不得開即當頂上取髮如兩指大強以人牽之眼即開

子死腹中第六論一首 方十七首

論曰凡婦人產難死生之候母面赤舌青者兒死母活母唇口青口兩邊沫出者母子俱死母面青舌赤口中沫出者母死子活

治動胎及產難子死腹中并妊娠兩兒一死一生服之令死者出生者安神驗方

蟹爪 壹升

甘草 貳尺

阿膠 叁兩

古豆二味以東流水一斗先煮蟹爪甘草得三升去滓次

內膠令烊頓服之不能分并服若人困拗口內藥藥
即活煎藥作東向竈用葷新煮之

真珠湯治胎死腹中方

孰真珠膏兩 榆白皮 切膏升

右二味以苦酒二升煮取一升頓服之死胎立出

治子死腹中不出方

以牛屎塗母腹上立出

又方取竈下黃土二指撮以酒服之立出土當著兒頭上

亦治逆生及橫生不出于足先見者

又方服水銀三兩立出 又方取夫尿一升煮令沸飲之

又方酢二升拗口開灌之 又方吞槐子一七枚亦治逆生

又方一家雞卵各一枚一家鹽各一撮一家水各一升合

煮入之產婦東向飲之立出

又方 瞿麥一斤以水八升煮取四升一服一升不出再服

治胎死腹中乾燥著背方

葵子 壹升

阿膠 伍兩

右二味以水五升煮取二升頓服之未出再煮服

治姙娠未足月而胎卒死不出其母欲死方

以苦酒濃煮大豆每服一升死胎立出不能頓服分

再服一方用醇酒煮大豆亦治積聚成瘕

治姙娠胎死腹中若子生胞衣不出腹中引腰背痛方

甘草 壹尺

筒桂 肆寸

雞子

壹枚

蒲黃 貳合

香豉 貳升

右以水六升煮取一升頓服之胎胞穢惡盡去入良

治姙娠得病須去胎方

以雞子一枚鹽二指撮和服立下

此與阮氏所載同

又方 麥蘖一升為末和蜜一升服之立下

又方 七月七日神麴三升酢一升煮兩沸宿食不食平曰頓

服之即下

又方 大麥麴五升酒一斗煮二沸去滓分五服令盡當宿

勿食其子如糜令母胎盛無疾苦千金不傳

逆生第七論一首

方十四首

論曰凡產難或兒橫生側生或手足先出可以針錐刺兒
手足入一二分許兒得痛驚轉即縮自當廻順也

治逆生方

以鹽塗兒足底又可急爪搔之并以鹽摩產婦腹上

即愈

又方 以鹽和粉塗兒足下即順子母秘錄云以鹽和胡粉

又方 取梁上塵如彈丸許一煎治末一指撮溫酒服之

治逆生及橫生不出手足先見者方

燒蛇蛻皮為末服一刀圭一翻一面向東酒服即順

又方 取蟬殼二枚治為末二匙撮許溫酒服之子母秘錄

取未酒服

又方 取夫陰毛二七七本燒以一餅一膏和九如大豆吞之兒手

即持丸出神驗

又方 取蛇蛻皮燒灰猪膏和一八八東向服

又方 以手中指取金底墨一畫兒足下即順生

又方 取父名書兒足下即順生

治橫生及足先出者方

取梁上塵竈突大黑塵酒服之

取車釭中脂書兒脚下及掌中

治縱橫生不可出者方

莢絲子末酒若米汁服方寸匕即生車前子亦好服

如上法

以水苦酒服竈突大黑塵

治產時子但趨穀道者方

熬鹽熨之自止

胞胎不出第... 方... 首

牛膝湯治產兒胞衣不出令胞爛方

牛膝

瞿麥 各壹兩

滑石 貳兩 一方用

當歸

通草 各壹兩半 葵子 半升

右六味以水九升煮取三升分三服

治產難胞衣不出橫倒者及兒死腹中母氣欲絕方

半夏

白斂 各貳兩

右二味治下篩服方寸匕小難一服橫生二服倒生三

服兒死四服亦可加代赭瞿麥各二兩為佳

治胎死腹中若母病欲下之方

取榆白皮細切煮汁二升服之即下難生者亦佳

又方 生地黄汁一升苦酒二合令暖服之不能頓服分再

服亦得

又方 牛膝 參兩

葵子 青升

右二味以水七升煮取三升分三服

又方 澤蘭葉 參兩

滑石 伍合

生麻油 貳合

右三味以水一升半煮澤蘭取七合早去滓內滑石麻油頓服之

治胞衣不出方

取小麥合小豆煮令濃飲其汁立出亦治橫逆生者

又方取瓜瓣二七枚服之立出良

又方取水煮弓弩弦飲五合即出亦可燒灰酒和服

又方取宅中所埋柱掘出取坎辰當柱下土大如雞子酒和服之良

和服之良

又方墨三寸為末酒服又方取蒲黃如棗許以井花水服

又方苦酒服真珠一兩又方雞子一枚苦酒一合和飲之

又方生男吞小豆七枚生女者十四枚即出

治逆生胎不出方

竈屋上熏以酒羹一兩沸取汁服

治產後胞不時出方

井底土如雞子中黃以井花水和服立出

又方取井中黃土丸如梧桐子吞之立出又治兒不出

治子死腹中若衣不出欲上搶心方

急取蟻蛭土二三升熬令熟囊盛熨心下令胎不得上

搶心良

又方末竈突中墨二指撮許以水苦酒調服立出當暑者兒

頭生

方取夫內衣蓋井上立出**又方**取炊蔽當戶前燒服之

下乳第九方二十一首

神效湯治婦人乳無汁方

石鍾乳

消石方用

白石脂各陸錄

通草拾貳錄

桔梗半兩切

右五味以水五升煮二沸三下三下去滓內消石

令烱分服

又方石鍾乳

通草各等分

右二味為末粥飲服方寸匕日三後可兼養兩兒通草

者是勿取羊桃根色黃無益一方二味酒五升漬一宿明日煮沸去

滓服一升日二夏冷服冬溫服

又方石鍾乳

肆兩甘草貳兩不用漏蘆冬三兩通草

栝婁根伍兩

右五味以水一斗煮取三升分二服一云用栝

又方石鍾乳

通草各壹兩

漏蘆半兩

栝婁根伍兩

桂心

甘草

栝婁根各陸錄

右六味治下篩酒服方寸匕日三最驗

又方石鍾乳

漏蘆 各貳兩

右二味治下篩飲服方寸匕即下

漏蘆湯治同前

漏蘆

通草 各貳兩

石鍾乳 壹兩 黍米 壹升

右四味哎咀米宿漬搗取汁三升煮藥二沸去滓作飲飲之日三

漏蘆散治同前

漏蘆 半兩

石鍾乳

枯薑根 各壹兩 蟾蜍 叁分

右四味治下篩先食糖水服方寸匕日三

白石膏湯治同前

石膏四兩研以水一升煮二沸稍稍服一日全愈

治同前

麥門冬

通草

理石

石鍾乳

右四味各等分治下篩先食酒服方寸匕日三

又方 麥門冬

通草

理石

石鍾乳

土瓜根

大棗

蠪蠹

右七味等分治下篩食畢用酒服方寸匕日三

又方 母豬蹄一具粗切以水一斗熟煮得五六升汁飲之

不出更作

又方 猪蹄煮數枚熟通草剉兩細切

右二味以清酒一斗浸之稍稍飲盡不出更作外豕猪蹄不久

以水壹斗煮取四升入酒肆升更煮飲之

又方 栝蒌根切一升酒四升煮一沸去滓分三服

又方 栝蒌根

滿蘆 各二兩

石鍾乳 肆兩

白頭翁 壹兩

滑石

通草 各貳兩

右六味治下篩以酒服方寸匕日三

又方 取栝蒌子尚青色大者一枚熟搗以白酒一斗煮取

四升去滓溫服一升日二黃色小者用二枚亦好

又方 土瓜根治下篩服半錢匕日三乳如流水

鬼前湯 治同前

鬼箭五兩以水六升煮取四升每服八合日三亦可

燒作灰水服方寸匕日三

甘草散 治同前

甘草 壹兩

通草 各拾銖

石鍾乳 貳拾銖

雲母 貳兩半

星上散草 貳把燒為灰

右五味治下篩食後溫滿蘆湯服方寸匕日三乳下

燒死鼠作屑酒服方寸匕日三立下勿令知

方燒鯉魚頭為末酒服三指撮

魚湯下乳汁方

鯽魚長七寸 猪肪半斤 漏蘆 石鍾乳各

右四味切猪肪魚不須洗治清酒一斗二升合煮魚熟

藥成絞去滓適寒溫分五服其間相去須臾一飲令藥

力相及為佳乳即下

重刊孫真人備急千金要方卷之二

書 號 碼 善 510.87 1377 V.2.
 著 譯 者 孫思邈
 書 名 (重刊孫真人)備急千金要方

號 數	借 期	還 期	號 數	借 期	還 期
-----	-----	-----	-----	-----	-----

出借得不

出借得不

借閱者注意

- (一)加意愛護勿失原有形狀
- (二)損壞或遺失應照原價加倍賠償
- (三)借閱以二星期為限期滿欲續借者須持書至館聲明但本館於必要收回時須即繳還
- (四)逾期不歸還者應照章納金

圖書號數 善 510.87 V.2.
 圖書冊數 12-1
 登記號數 63273

